

識

小

工

四



識小錄

活埋菴道人徐樹丕筆記

袁真

袁真在

使阿薛阿郭阿馬與桓宣武既至

經時三

又同出月下有銅甕水在其側見一流

星墮甕

喜共星如二寸火珠于水底炯然明

淨乃相謂曰此吉祥也當誰應於是薛郭更以瓢

杓接取並不得出最後取星正入中便飲之若有感

焉俄懷桓宣武雖筭位不終數年之中榮貴極矣事

出晉陽秋或曰偽為是兆以誣人為禪代計也果
尔則星果可哉寧有是理此蓋山川之精光竇妖
氣也光僅踰寸詎遠徵哉

王珉

珉風采殊異有胡門甚敬悅之語同學云若我後
生得為此人作子足矣沙門沒後歲餘而珉生男
始能言便解外國語及絕國奇珍生所不見即能識
其產又諸胡過于漢人及長貌酷類胡沙門珉
字之曰高再來無不聰悟人多富貴蓋其妙

明不失

樂相因造化乘除理當如是也

鳩鳥

抱朴子良規云渴者窓口一雲白之酒鳩鳥一名雲白
說文鳩鳥其雄謂之運日其雌謂之陰諧淮南子運
日知晴陰諧知雨註天晏靜無風則運日先鳴將陰
雨陰諧先鳴一名曇鳥一名同力鳥是鳥飲水處百
鳥吸之皆死或得犀牛角其中則水無毒晉制鳩鳥
不得過江石崇以贈王愷為傳祇所糾飲飛督王饒
上穆帝一雙被詔鞭二百焚于通衢

李嗣真

李嗣真論右軍書格不同樂毅論太史歲皆正大有
忠臣烈士之象誓墓文曹娥碑其容憔悴有孝子順
孫之象逍遙篇孤鴻賦迹遠趣高有拔俗抱素之象
画像贊洛神賦姿儀雅麗有美女花神之象故謂之
聖官奴筋骨緊密不減于父故謂之小聖官奴子敬
小字也一說右軍得用筆法于白雲先生先生遺之
鼠鬚筆風字硯羲之蘭亭記用鼠鬚筆書蠶繭紙

李隱

李商隱 雲詩寒氣先侵玉女扉清光旋透省即聞
梅花大庾 頭簇柳絮章臺街裏飛欲舞定隨曹植
馬有情應濕謝莊衣龍山萬里無多遠留待行人二
月歸又淚詩永巷長年怨綺羅離情終日思風波湘
江竹上痕無數峴首碑前灑幾多人去紫臺秋入塞
兵殘楚帳夜聞歌朝來灞水橋邊問未抵青袍送玉
珂此二 皇甫氏甚稱其婉慨大抵唐人詠物詩多
思局而意滯此獨灑然可誦雖非上襄六中駟也

宋延清

宋延清經梧州詩青林暗換葉紅蕊續開花春去聞
山鳥秋來見海槎盧氏村詩宿雲鵬際落殘月蚌中
開薜荔搖清氣桺柳翳碧苔三會寺瑞鳥呈書字神
龍吐浴泉法華寺臺香紅藥亂塔影綠篁遮果漸輪
王族綠超梵帝家漢江詩漢廣不分天舟移杳若仙
林虹暎殘日江雀弄晴煙粵王臺南溟天外合北戶
日遙開池濕烟常起山晴雨半來游禹穴石帆搖海
上天鏡落湖中清遠峽西巖山作帶萬壑樹披衣又
猿飲排上禽驚掠水飛荻藤州石髮綠谿夢林衣

埽地輕 福寺乘龍太子太駕象法王歸又水入禪
心定雲從寶思飛極工極妙可與靈運並馳然延清
詩律甚高人品甚卑讀其詩欲置之百尺樓上見其
人當擠之萬丈潭底

何尚之

何尚之遷吏部郎告休定省傾朝送別于治諸父叔
度謂曰聞汝來送別幾客曰殆數百人叔度笑曰此
是送吏部郎非閑何彥德也昔殷浩作豫章定省送
別者甚衆及廢徙東陽泊征虜亭積日親舊無相窺

者眉公言勢在則群蟻聚羶勢去則飽鷹颺漢悠悠
濁世今古皆然何足怪者有識之士不必露主父之
剗腸但請拭叔度之冷眼

宋之問父三絕

宋之問父令文富文辭且工書有力絕人世稱三絕
都下有牛善觸人莫敢撻令文直往拔取角折其頸
又嘗以五指撮碓壁上書得四十字詩為太學生以
一手抱堂柱起以同房生衣於柱下磬之許重設酒乃
為之出阮之問以文章起仲之悌以蹻勇聞季之慈

精草隸

謂皆得父一絕

元次山

元次山典蕭李輩競為古文而元獨矯峻近于險怪
獨大唐中興頌稍平典為世所推然安史賊臣而稱
為孽臣姦驕又曰邊將聘兵何其不裂背於臬獍而
弛、如此其曰亮徒逆儔涵濡天休死生堪羞則有
諷刺姑息之意此作變雅則可謂頌則失體著書自
稱琦玕子以山石也詩六近怪其人可謂清絕

諾臬記

段成式酉陽雜俎有諾皋記諾皋者太陽將星神名
言所志皆幽昧也又有支諾皋支者于支之支謂分
類也其序云聖人定璇璣之式周禮正巫祝之官考
十輝之祥正九黎之亂當有道之日鬼不傷人在觀
德之時神無之主若列子言竈下之拘掇莊生說戶
下之雷霆楚莊爭隨咒而禍移齊桓觀妾蛇而病愈
成式為溫廷筠壻廷筠著書稱甘瞑子謂語怪說賔
猶甘瞑悅口翁壻間俱尚怪如此

戴思

戴若思嘗風儀性閑爽少好游俠不拘操行遇陸機
赴洛船甚盛遂與其徒掠之若思登岵據胡牀指
麾同旅皆得其宜機察見之知非常人在舫屋遙謂
之曰卿才器如此乃復作劫耶若思感悟因流涕投
劍就之機與言深加賞異遂與定交若思後舉孝廉
入洛機薦之於朝曰蓋聞繁弱登御然後高墉之功
顯孤竹在肆然後大雅之曲成伏見廣陵戴若思清
沖復道德量允塞安貧樂志無風塵之慕砥節立行育
井深之潔誠東南之道寶也由是辟沁水令其後屢

立功績都督六州位至公輔望重一世以機為知
人按若思以名士作賊甚異平原作啓獨荐一作賊
人亦甚異以作賊人後為清白士亦甚異古人所謂
使貪使盜豈此耶要之風塵瀕洞時難與平世同論
猶鬼云夜不出晝若平世用盜是白日見魑魅也

朱白民

白民名鷺初有名諸生間後謝去獨游名山如天台
雁蕩華山黃山皆遍所至画竹自給不受人一錢黃
緇道眼長髯等身見者以為仙人也少好玄學晚歲

皈佛結廬華山寺之左蓮峰巔峙欄檻之外萬木如
茨可俯而掇也晝夜六時偕山僧炷香念佛八十而
卒墓即在華山性至孝為諸生時教授所得以養父
母承顏順志以老萊子為法父母床頭恒贈數十錢
曰買笑錢嘗當歲暮風日和煖梅萼已放謂老懷好
景不可虛度探囊中赤仄買小舫邀隣老共其親為
鄧尉游遂清游五日而返其篤行高致如此先生與
先君子游甚厚子每執後進礼于山中相見輒勉子
讀書至今愧其意云

王芥菴

芥菴名在公初字孟夙舉于鄉為郡丞拂衣歸削髮披緇與朱白氏趙凡夫為方外交華山有三高祠文閣學湛持張孝廉異度為經紀撰文以為名稱其實云

癸未大獄

吳昌時吳江人號未之以禮部郎調吏部郎之不通久矣此舉實駭人觀聽初為宜興幕賓前相薛國觀之死昌時實搆之國觀臨死呼曰吳某殺我宜興

再名昌黎以風影之說嚇人財甚夥一手握定朝局
恣睢淫佚無所不至其繫獄也知上無寬宥意寫
字付家求金屑一字乃作薛字其神亂耶抑鬼使之
耶十二月十四忽傳旨斬于西市而宜興則自盡于
廿四相去十日耳國觀之死三日而旨下腸盡
出宜興亦死三日解下時糞與血皆滿中震矣唐末
宰相賜死取結喉三寸以報相繼數人今後先一揆
哀哉

禁書怕